

MENINGITIS

E maki kino te maki tui kairoro (meningococcal disease)

Akakite vave atu ki toou taote me kite koe i tetai ua atu o teia au akairo:

Pepe varevare, me kore tamariki rikiriki

Aronga mamaata



▶ Pakari te vera, me kore piva



▶ Aueue ma te noo-ngata



▶ Kopae kai e te vai inu



▶ Ruaki



▶ Momoe me kore akaparuparu ua me kore e ākā angaanga i te akaara



▶ E ketaketa tona kaki
▶ E kare aia e meitaki i te mōri mārama tikai



▶ Kopatapata me kore pupu te pakiri



▶ Vera me kore piva e te mamae mimiti



▶ Ruaki



▶ Momoe, kare i kite e te akapeea ra, te uriruri ra mei te mea ra e e maki tapiri tona, me kare ra, kua ngaro te ao iaia



▶ E ketaketa tona kaki
▶ E kare aia e meitaki i te mōri mārama tikai



▶ Mamae te uaua e te paupauanga



▶ Kopatapata me kore pupu te pakiri



Noatu e, e tai rai aau kopata ka kite i runga i tetai ngai uatu o te kopapa akaari vave atu ki te taote. Auraka e tavarevare. Auraka e tiaki kia pupu me kore kia maata te kopatapata i runga i te pakiri.

Kimi ia te ora - auraka e tiaki

Me e maki koe me kore ko tetai i roto i toou ngutuare tangata e ka kite koe i tetai o teia au akairo i runga ake nei, te anoano ia nei kia rave atu koe i teia au ravenga i raro ake nei:

- Ringi vave atu i te taote, me kore medical centre, i tetai ua atu ora i te po e te ao - auraka e tavarevare
- Akakite atu ki te taote i taau au akairo i kite
- E mea puapinga te oraanga tangata - e pati akatenga atu kia rauka viviki mai tetai tauturu - akamaroiroi, auraka e emi i te pati tauturu
- Akara ma te tiaki meitaki atu i te tangata maki noatu e kua karanga mai te taote e kua maru mai te maki
- Akaoki vave atu i te tangata maki ki ko i te taote me kite koe e te kino aere uatu ra tona maki
- Auraka e akaruke ua i te tangata maki koia anake ua
- Ka ora te maki i te maki tui kairoro me rapakau vave ia ki te 'ua akamate manumanu (antibiotics) a te taote